

Ն Ե Ր Ա Մ Ո Ւ Թ Յ Ո Ւ Ն

Գ Ր Ա Կ Ա Ն Ո Ւ Թ Յ Ո Ւ Ն

Զանգեզուրի հայերի կենցաղի նկարագրության առաջին փորձը, այնքանով, որքանով տեղական սովորությունները կարող են ազդած լինել շրջանի տնտեսական կյանքի վրա, պատկանում է Ստեփան Զելինսկուն: Նրան՝ ընդարձակ ծրագրով նախագծած այն հետազոտության մեջ, որը հատուկ մասնաժողովը ձեռնարկել էր Անդրկովկասի բոլոր գավառների արքունի գյուղացիների տնտեսական կացությունն ուսումնասիրելու համար, բաժին էր ընկել Զանգեզուրի գավառի հետազոտությունը: Իր հավաքած հարուստ նյութերն ու գիտողությունները նա ամփոփել է մի ընդարձակ հոդվածի մեջ, որը ղեկավարած է մասնաժողովի հրատարակած ընդհանուր ժողովածուի առաջին հատորի մեջ՝ «Материалы по изучению экономического быта государственных крестьян Закавказского края», ապա նույն՝ 1886 թ. լույս է ընծայվել առանձին գրքով, հետևյալ վերնագրով՝ «Исследование экономического быта государственных крестьян в Зангезурском уезде Елисаветпольской губернии»:

Այդ աշխատության մեջ վերին աստիճանի արժեքավոր նյութեր են պարունակում «Население» — «Բնակչություն» և մանավանդ «Источники благосостояния крестьян» — «Դյուրացիների բարօրության աղբյուրները» վերնագիրներ կրող 1-ին և 7-րդ գլուխները: Վերջինիս մեջ հեղինակը բավականին հանգամանորեն նկարագրում է տեղացիների՝ թե՛ հայերի և թե՛ աղբբեջանցիների երկրագործական և անասնապահական պարապմունքները, կանգ է առնում մեղվաբուծության և տնայնագործության տեղական ձևերի վրա, աչքից բաց չթողնելով տեղում կատարված աշխատանքային պրոցեսների մանրամասնությունները: Նման հետազոտություններով հիմնականում միևնույն ծրագրով ընդգրկվեցին Անդրկովկասի բոլոր գավառները: Այդ պատասխանատու գործի իրացմանը ներգրավված էին բարձր գիտական նախապատրաստություն ունեցող մասնագետներ, մեծ մասամբ նարոդնիկական հոսանքին հարող երիտասարդներին:

Աշխատանքը ղեկավարող մասնաժողովը գործում էր հողագործության միևնույնության Անդրկովկասյան լիազոր Ի. Տիխենի անմիջական հսկողության ներքո:

Ավելի վաղ, 1881 թվին, մի այլ պետական հիմնարկ՝ Կովկասյան Ուսումնական շրջանի վարչությունը, սկսել էր Կովկասի բնակավայրերի և ցեղերի